

FEDERALNO MINISTARSTVO POLJOPRIVREDE, VODOPRIVREDE I ŠUMARSTVA

Na osnovu čl. 18. stav 6. i 21. Zakona o veterinarstvu ("Službene novine Federacije BiH", broj 46/00), federalni ministar poljoprivrede, vodoprivrede i šumarstva donosi

**PRAVILNIK
O SADRŽAJU, OBLIKU I NAČINU VOJENJA REGISTARA ODOBRENIH I
REGISTROVANIH OBJEKATA I
NAČINU DODJELE VETERINARSKIH KONTROLNIH I
EVIDENCIJSKIH BROJEVA U FEDERACIJI BOSNE I HERCEGOVINE**

Član 1.

Ovim Pravilnikom se propisuje sadržaj, oblik i način vojenja registara odobrenih i registrovanih objekata u Federaciji Bosne i Hercegovine (u daljem tekstu: Federacija) i utvrđuje način dodjele veterinarskih kontrolnih i evidencijskih brojeva.

Član 2.

Za primjenu ovog Pravilnika pored definicija u važećim propisima iz oblasti veterinarstva koriste se i slijedeći pojmovi:

- **Veterinarski kontrolni broj objekta** - oznaka koja se dobije prilikom odobravanja objekta od strane nadležnog ministarstva u skladu sa važećim propisima iz oblasti veterinarstva;
- **Evidencijski broj** - broj upisa (redni broj/godina) u Registar odobrenih i registrovanih objekata za područje kantona (u daljem tekstu: Registar).

Član 3.

Objekti za koje se dodjeljuje *veterinarski kontrolni broj* su:

1. objekti za klanje životinja;
2. objekti za rasijecanje i obradu mesa, mesa divljač i, ribe, rakova, školjki, puževa i žaba koji su namijenjeni javnoj potrošnji;
3. objekti za preradu mesa, mesa divljač i, ribe, mlijeka, jaja, meda i ostalih proizvoda životinjskog porijekla namijenjenih ishrani ljudi putem javne potrošnje;
4. objekti za hlađenje, zamrzavanje i/ili uskladištenje navedenih proizvoda;
5. valionice;
6. objekti za proizvodnju hrane za životinje, mješavice i objekti za uskladištenje hrane za životinje;
7. objekti za dobijanje, razrjeđivanje i pripremu sjemena za umjetno osjemenjivanje i oplodjenih jajnih ćelija;
8. objekti za sakupljanje, konzervisanje, skladištenje ili preradu sirove kože i krzna;
9. zoološki vrtovi;
10. farme goveda i kopitara veće od 20 uslovnih grla;
11. farme peradi i kunića veće od 10 uslovnih grla;
12. farme za uzgoj divljač i i krznaša;
13. ribnjaci i drugi objekti akvakulture;
14. uzgajališta puževa i drugi objekti.

Objekti za koje se evidencijski broj određuje upisom u Registar propisani su u članu 5. Pravilnika o veterinarsko-zdravstvenim uslovima za objekte koji proizvode hranu životinjskog porijekla ("Službene novine Federacije BiH", broj 22/13).

Član 4.

Registar vode kantonalna ministarstva i objavljuju u službenom glasilu kantona i na svojoj web-stranici.

U Registar iz stava 1. ovog člana kantonalno ministarstvo upisuje broj i datum potvrde o upisu u registar za objekte iz člana 5. Pravilnika o veterinarsko-zdravstvenim uslovima za objekte koji proizvode hranu životinjskog porijekla ("Službene novine Federacije BiH", broj 22/13).

Jedinstveni registar odobrenih i registrovanih objekata u Federaciji (u daljem tekstu: Jedinstveni registar) sa odobrenim veterinarskim kontrolnim brojem vodi Federalno ministarstvo poljoprivrede, vodoprivrede i šumarstva (u daljem tekstu: Federalno ministarstvo).

U Jedinstveni registar iz stava 3. ovog člana Federalno ministarstvo upisuje i izvozne objekte.

Izgled i sadržaj registara iz st. 1. i 3. propisan je Obrascima br. 2. i 3. koji se nalaze u prilogu ovog Pravilnika i čine njegov sastavni dio.

Listu svih objekata upisanih u Jedinstveni registar Federalno ministarstvo objavljuje na svojoj web-stranici.

lan 5.

Rješenje o odobravanju ili registraciji objekata iz lana 3. ovog Pravilnika donosi kantonalno ministarstvo, a za izvozne objekte Federalno ministarstvo.

Nakon što Federalno ministarstvo u postupku rješavanja zahtjeva za odobravanje ili registraciju izvoznog objekta iz lana 3. ovog Pravilnika utvrdi da nema smetnji za izdavanje rješenja iz stava 1. ovog lana, donosi rješenje o dodijeljenom veterinarskom kontrolnom broju na osnovu kojeg vrši upis u Jedinstveni registar.

lan 6.

Nakon što kantonalno ministarstvo u postupku rješavanja zahtjeva za odobravanje ili registraciju objekta iz lana 3. ovog Pravilnika utvrdi da nema smetnji za izdavanje rješenja iz lana 5. ovog Pravilnika, isto upuće pisani zahtjev za dodjelu veterinarskog kontrolnog broja na Obrascu broj 4. Federalnom ministarstvu koji obrasci se nalaze u prilogu ovog Pravilnika i čine njegov sastavni dio.

Svaki objekat može imati samo jedan odobreni veterinarski kontrolni i evidencijski broj koji jednom dodijeljen ne može se mijenjati, niti može biti ponovo dodijeljen nekom objektu u slučaju prestanka obavljanja djelatnosti tog objekta.

Federalno ministarstvo nakon zaprimljenog zahtjeva dodjeljuje veterinarski kontrolni broj za traženu djelatnost u roku do sedam dana od dana prijema zahtjeva i o tome pismeno obavještava kantonalno ministarstvo koje je zahtjev podnijelo.

Zahtjev iz stava 1. i obavijest iz stava 3. ovog lana se mogu uputiti i putem faxesa.

Nakon što kantonalno ministarstvo dobije obavijest iz stava 3. ovog lana, donosi rješenje kojim se određuje odobreni broj i odobrava obavljanje pojedinačnih djelatnosti proizvodnje i trgovine, kao i ograničenja kapaciteta i obima trgovanja i upis u Registar iz lana 4. stav 1.

Primjerak rješenja iz stava 5. ovog lana dostavlja se Federalnom ministarstvu u roku od 10 dana od dana njegovog donošenja na osnovu kojeg će Federalno ministarstvo izvršiti upis objekta u Jedinstveni registar.

lan 7.

Veterinarski kontrolni broj, koji je izgled i sadržaj u skladu sa propisanim uslovima u Bosni i Hercegovini, se dodjeljuje i određuje prema vrsti djelatnosti za koju objekat ispunjava propisane uslove.

BRISAN 08/14 Evidencijski brojevi za uzgajališta životinja počinju od rednog broja jedan i nastavljaju se bez prekida, ne mijenjaju i se po kalendarskim godinama.

O dodijeljenim brojevima iz lana 2. ovog Pravilnika, Federalno ministarstvo vodi registar na Obrascu broj 1. koji se nalazi u prilogu ovog Pravilnika i čini njegov sastavni dio.

lan 8.

U slučaju prestanka rada objekta, kantonalno ministarstvo podnosi zahtjev Federalnom ministarstvu za brisanje objekta iz Jedinstvenog registra na Obrascu broj 6. koji se nalazi u prilogu ovog Pravilnika i čini njegov sastavni dio. Uz zahtjev kantonalno ministarstvo dostavlja rješenje o brisanju objekta iz Registra.

U slučaju prestanka rada izvoznog objekta Federalno ministarstvo donosi rješenje o brisanju objekta iz Jedinstvenog registra.

lan 9.

Postoje i odobreni brojevi iz lana 2. ovog Pravilnika koje se uskladi sa odredbama ovog Pravilnika najkasnije u roku od 12 mjeseci od dana stupanja na snagu ovog Pravilnika, nakon čega će biti upisani u Jedinstveni registar.

lan 10.

Ovaj Pravilnik stupa na snagu narednog dana od dana objave u "Službenim novinama Federacije BiH".

Broj 06-02-1117-2/12
13. augusta 2012. godine
Sarajevo

Ministar **Jerko Ivanković - Lijanović**, s. r.